



**Federación Galega de Ximnasia**

R/ Noriega Varela n°12 baixo 32004 OURENSE. TF 988238999-FAX 9883992168- info@ximnasia.com

XUNTA  
DE GALICIA

DEPARTAMENTO  
DE DEPORTE  
GALEGO

D.E.P.  
A.D.P.  
DEPUTACION  
DE OURENSE

# **REGULAMENTO ELECTORAL**

**Para a elección a membros da  
Asemblea Xeral, Presidente e  
Comisión Delegada da Federación  
Galega de Ximnasia**

Ourense, 1 de setembro de 2014



*[Handwritten signature]*  
FEDERACION  
GALEGA  
XIMNASIA



## Artigo 1. Obxecto da normativa

En aplicación da Lei 3/2012, do 2 de abril, do Deporte de Galicia e na Orde do 8 de setembro de 2010, da Consellería de Presidencia, Administracións Públicas e Xustiza, polo que se establecen os criterios para a elaboración de regulamentos e realización dos procesos electorais nas Federacións Deportivas Galegas, durante o ano 2014, confeccionase a presente normativa que regula o proceso de elección dos órganos de goberno, Asemblea Xeral, Presidente e Comisión Delegada, con representatividade durante o período 2014 ata o 2018.

## Artigo 2. Celebración de eleccións

A Federación Galega de Ximnasia procederá á elección da súa Asemblea Xeral, Presidente e Comisión Delegada no ano 2014. O calendario electoral será o indicado no anexo I. Os sobres e papeletas serán os establecidos no anexo II. Establécese como horario de apertura ao público da sede federativa o seguinte: Mañás de 10:00 a 13:00 horas e tardes de 16:00 a 20:00

## Artigo 3. Regulamento electoral provisional e definitivo


Unha vez aprobado o regulamento electoral por parte da Asemblea Xeral da Federación Galega de Ximnasia será remitido á Secretaría Xeral para o Deporte da Xunta de Galicia, que resolverá, no prazo máximo de 10 días hábiles dende a entrada do documento no seu rexistro, sobre a aprobación do mesmo ou a súa devolución para a corrección de posibles deficiencias.

Transcorridos estes sen que recaia resolución algunha entenderase aprobado o regulamento. No caso de ser necesaria a corrección de deficiencias, indicaranse as mesmas e se concederán dez días hábiles para proceder a dita corrección.

Solicitase á Asemblea Xeral da Federación Galega de Ximnasia, no caso que houbera que emendar algunha deficiencia no mesmo regulamento electoral, que delegue e autorice á Xunta Directiva a facer os cambios necesarios, sen necesidade dun novo sometemento á aprobación da asemblea xeral. Unha vez feitas estas modificacións o novo regulamento presentarase á Secretaría Xeral para o Deporte para a sua ratificación definitiva.

## Artigo 4. Censo electoral

1. O censo electoral (ANEXO III) incluirá aos deportistas, técnicos/adestradores, xuíces/árbitros e entidades deportivas inscritas na Federación e no Rregistro de Entidades Deportivas, que reúnan os requisitos para ser electores e elixibles, de acordo co establecido no artigo 8º do presente regulamento. Incluiranse os seguintes datos:



*[Firma]* FEDERACIÓN  
GALEGA DE XIMNASIA




- a) Para os/as deportistas, adestradores e xuíces/árbitros: nome, apelidos, número de licenza federativa, número do Documento nacional de identidade ou da tarxeta de residencia e domicilio a efectos de notificación. O domicilio reflectido por defecto para o estamento de deportistas será o do club ao que pertenzan, ou no seu caso tamén respecto do estamento de xuíces/árbitros, o que a estos efectos indiquen a Federación. No período de reclamacións ao censo provisional poderase solicitar o cambio de domicilio.
  - b) Para as entidades deportivas: nome, denominación ou razón social e número de inscrición no Rexistro de Entidades Deportivas, así como o nome e apelidos do presidente e secretario. Os datos das entidades deportivas deberán ser plenamente coincidentes cos datos contidos no Rexistro de Entidades Deportivas, tendo a Federación a obriga de cotexar ditos datos. No caso de discrepancias entre os datos que figuren no rexistro da Federación e os que figuren no Rexistro de Entidades Deportivas, establecerase un prazo de 10 días para o seu arranxo.
2. O censo electoral provisional publicarase xunto coa convocatoria. A exposición pública do mesmo deberá facerse por un prazo mínimo de 10 días hábiles, dentro do cal se poderán presentar as reclamacións que se estimen oportunas ante a Xunta Electoral, resolvéndose por esta no prazo máximo de 5 días hábiles e considerándose o silencio da xunta en sentido estimatorio da petición realizada. Dita exposición farase no taboleiro de anuncios da Federación Galega de Ximnasia e das Delegacións federativas, así como na páxina web [www.ximnasia.com](http://www.ximnasia.com)
  3. O censo será considerado definitivo se non se presenta reclamación algúnh, ou cando de presentarse, sexa resolta pola xunta electoral ou, se é o caso, polo Comité Galego de Xustiza Deportiva. Deberán aplicar se as mesmas garantías de difusión e publicidade que as previstas no número 2 deste artigo para o censo provisional.
  4. A.-Os datos contidos no censo electoral gozarán da protección do previsto na LO 15/1999, do 13 de decembro, de protección de datos de carácter persoal. En todo caso o tratamento e publicación dos datos contidos no censo terá por única finalidade garantir o exercicio polos electores do seu dereito de sufraxio, estando prohibida a súa cesión ou utilización para unha finalidade distinta a aquela.

B.-Co fin de facilitar a participación e a integración na actividade deportiva da Federación, os candidatos proclamados a membros da asamblea xeral poderán dispoñer do respectivo censo de persoas que componen cada estamento, cos datos de carácter persoal contidos na licenza federativa. No caso dos candidatos proclamados á Presidencia, poderán dispoñer do censo de persoas que conforman a asamblea xeral, cos mesmos datos de carácter persoal facilitados na licenza federativa.



*[Firma]*



## Artigo 5. Xunta electoral

1. O mesmo día da convocatoria de eleccións, constituirase a Xunta Electoral.
2. A xunta electoral estará integrada por tres membros titulares e tres suplentes, elixidos por sorteo na asemblea xeral, entre as persoas que presenten a súa candidatura a membros da xunta electoral. As candidaturas deberan presentar na mesma asemblea na que se celebre a súa elección, podendo estar os candidatos presentes na mesma.

Os membros da xunta deberán reunir os requisitos seguintes:

- a) Ser maior de 18 anos.
- b) Ter o título de bacharelato superior ou equivalente.
- c) Non presentarse como candidato a membro da asemblea xeral.
- d) Non ter relación contractual ou profesional coa Federación Galega de Ximnasia
- e) Non estar cumprindo sanción disciplinaria firme ou sanción administrativa firme en materia deportiva que conlleve sanción de inhabilitación para ocupar cargos nunha organización deportiva.
3. No caso de non presentación de candidatos a membros da xunta electoral, o presidente da federación proporá á asemblea os membros necesarios para completar a mesma, os cales deberán así mesmo reunir os requisitos definidos no apartado anterior.
4. Actuará como presidente e secretario da xunta electoral o membro de maior e menor idade, respectivamente. As decisións da xunta electoral tomaranse por maioria de votos. A asistencia á xunta electoral é obligatoria salvo causa xustificada.


### 5. Funcións da xunta electoral:


- a) Velar polo axustamento a dereito do proceso electoral dos órganos de goberno e representación federativos.
- b) Organizar os procesos das eleccións para a asemblea xeral e presidente da federación, segundo o disposto neste regulamento electoral.
- c) Designar as mesas electorais de conformidade co previsto neste regulamento electoral.
- d) Aprobar as candidaturas que reúnan os requisitos esixidos, así como o resto da documentación electoral.
- e) Garantir a exposición de censos, candidaturas e outros documentos según se estableza neste regulamento electoral.
- f) Coñecer e pronunciarse sobre os recursos que se presenten.
- g) Custodiar a documentación correspondente a todo o proceso electoral, excepto o que non lle corresponda do procedemento do voto por correo, ata a súa finalización.
- h) En xeral, cantas facultades lle sexan atribuídas por este regulamento electoral.



## Artigo 6. Mesa electoral: composición e competencia s.

1. En cada provincia constituirase unha única mesa electoral para a elección dos membros da asemblea no día fixado. O horario de apertura da mesa será o





seguinte: 16:00 ata ás 21:00 horas. Ubicaranse nos seguintes lugares:

OURENSE-Sede da Federación Galega de Ximnasia Noriega Varela 12 baixo-

A CORUÑA- Avda de Glasgow 13 Complexo Deportivo de Elviña A Coruña  
PONTEVEDRA-Sede das Federacións Vigo C/ Pintor Luis Ksado 17 Vigo

LUGO- Alfonso X El Sabio s/n 27004 Lugo

As mesas electorais estarán compostas por tres membros titulares (un presidente, un secretario e un vogal) e tres suplentes destes, elixidos por sorteo pola xunta electoral entre os integrantes do censo definitivo. Serán presidente e secretario os membros de maior e menor idade respectivamente. A asistencia á mesa electoral é obligatoria salvo causa xustificada que deberá ser autorizada pola xunta electoral.

Así mesmo, para a mesa electoral, os candidatos poden nomear interventores, entre quen desempeñe a condición de elector, que serán identificados ante a xunta electoral con antelación non inferior a 24 horas do día de celebración das respectivas votacións. A xunta electoral expedirá a correspondente acreditación.

Os interventores poderán participar nas deliberacións da mesa, con voz pero sen voto, así como solicitar á mesma certificacións e formular ante ela protestas, todo iso sen prexuízo da lexitimación que lles corresponde conforme aos artigos 18 e 19 deste regulamento.

2. A efectos de remisión do voto por correo remitirase a mesa localizada na sede da Federación Galega de Ximnasia rúa Noriega Varela 12 baixo 32003 Ourense

3. Son competencias da mesa electoral:

- Comprobar a identidade dos votantes.
- Recoller a papeleta de voto e depositala na urna pechada e preparada aos efectos.
- Proceder á contaxe de votos.
- Levantar acta dos votos emitidos, resultados, e calesquera outras incidencias, así como das incidencias e reclamacións se as houber, facendo constar o número de votos obtidos por cada candidato.


4. A acta será subscrita por todos os membros da mesa electoral, así como polos interventores, se os houber, remitíndose posteriormente á xunta electoral, que deberá garantir a súa exposición pública mediante a publicación no taboleiro de anuncios e na páxina web [www.ximnasia.com](http://www.ximnasia.com)

5. Cando proceda a elección de presidente constituirase a mesa electoral con dous membros que serán respectivamente o de maior e menor idade da asemblea. O primeiro actuará como presidente e o segundo como secretario. Así mesmo, e ata que conclúa a elección de presidente, exercerán funcións de presidente e secretario da asemblea.

6. Os gastos de desprazamento dos membros das mesas electorais serán sufragados pola Federación Galega de Ximnasia a razón de 0,19 euros por kilómetro percorrido en vehículo propio, máis os gastos de peaxe de autoestrada e aparcamento sempre que se xustifiquen, ou o importe xustificado do medio de transporte público utilizado.



*[Handwritten signature]*  
FEDERACIÓN  
GALLEGAS  
DE XIMNASIA



1. A convocatoria das eleccións será feita polo Presidente da Federación Galega de Ximnasia o día 18 de setembro do 2014, conforme a este regulamento electoral, aprobado pola Secretaría xeral para o deporte.

2. Simultaneamente á convocatoria de eleccións, a xunta directiva disolverase, contituíndose en comisión xestora que non poderá realizar mais que actos de mera administración e trámite.

3. A convocatoria de eleccións publicarase no taboleiro de anuncios da sede da federación e nas delegacións, así como na páxina web www.ximnasia.com. A notificación da convocatoria de eleccións conterá cantos datos se precisen para o correcto desenvolvemento do proceso electoral, e sinaladamente:

- Regulamento electoral.
- Calendario electoral con indicación do lugar, data e hora de celebración dos actos propios do proceso electoral.
- Lugar de consulta dos censos electorais.
- Modelos oficiais de sobres e papeletas.
- Composición e sede da xunta electoral da Federación.

4. Cun prazo de antelación mínimo de cinco días hábiles dende a data da convocatoria, esta deberá de ser notificada, a través de medio que permita asegurar a súa recepción, cando menos, ás entidades deportivas integrantes da desta federación e á Secretaría xeral para o deporte.

## Artigo 8. Electores e elixibles

1. Poderán ser electores e elixibles:

a) No caso dos estamentos constituídos por persoas físicas (deportistas, adestradores e árbitros/xuíces) os que reúnan os seguintes requisitos:

- Ser maior de idade á data da convocatoria das eleccións.
- Ter licenza federativa en vigor e tela tido na tempada deportiva anterior á data de convocatoria de eleccións.
- Ter participado nun mínimo de unha competición oficial na tempada deportiva anterior.

b) No caso do estamento de Entidades Deportivas: Aquelas Entidades Deportivas, que estean inscritos, no ano da convocatoria das eleccións, na Federación e no Rexistro de Entidades Deportivas e teñan participado en competicións deportivas. A estos efectos deberán de ter participado en catro competicións ou actividades entre o ano de convocatoria das eleccións e os dous anos inmediatamente anteriores a aquel, e necesariamente unha delas no ano da convocatoria das eleccións. Non serán elixibles aqueles clubs que formen parte da asemblea na súa condición de membros natos.

2. Considérase competición única todas as fases que se disputen naquelas competicións que se celebren dessa forma

3. Aos efectos deste artigo entenderase como competición deportiva, aquela que estivera reflectida nos correspondentes calendarios oficiais aprobados pola Asemblea xeral.

4. Os membros da federación que pertenzan a dous ou máis estamentos no censo provisional, deberán optar por un deles, mediante escrito ante a xunta electoral que deberá cursarse no período de reclamacións ao censo. Os criterios para identificar os electores nun único estamento, no caso de non existir a proposta individual, sera:






- A.- A antigüidade no estamento dos que posúe licenza
- B.- No caso da mesma antigüidade seguirase esta orde: 1º Deportista, 2º Técnico e 3º Xuíz

5.- A circunscripción electoral será:

- a.- Circunscripción provincial para as Entidades Deportivas ( A distribución serán proporcional ao número de Entidades, sendo como mínimo un o elixible).
- b.- Circunscripción única para os demais estamentos

## Artigo 9. Composición da Asemblea xeral

1. O número de membros da asemblea xeral será de 34., en aplicación do artigo 10, do presente regulamento electoral. O presidente da federación desempeñará a presidencia da asemblea xeral.
2. Os seus membros serán elixidos cada catro anos mediante sufraxio libre, igual, directo e secreto, salvo a singularidade prevista para o estamento de Entidades Deportivas, por e entre os compoñentes de cada estamento de conformidade co número e proporcións de representación que se establecen no presente regulamento.
3. Na asemblea xeral deberán estar representados to dos os estamentos recoñecidos nos estatutos e integrados na federación e, cando menos, as Entidades Deportivas, os deportistas, os adestradores e os árbitros/xuíces.
4. No estamento de Entidades Deportivas haberá membros natos e membros electos.
5. A representación das Entidades Deportivas corresponde ao seu presidente ou persoa que conforme estatutos lle corresponda. Esta representación acreditarase fidedignamente mediante certificación da inscrición do Rexistro de Entidades Deportivas na que figure expresamente os representantes legais da entidade.
6. Non cabe representación das persoas físicas.
7. Ningún membro da asemblea poderá desempeñar unha dobre representación nesta.
8. A Federación galega de Ximnasia axustarase, no posible, nas súas actuacións ás recomendacións feitas pola Lei 7/2004, do 16 de xullo, galega para a igualdade de mulleres e homes (DOG nº 149, do 3 de agosto).




## Artigo 10. Proporcionalidade na composición da Asemblea xeral

1. A porcentaxe de cada estamento é:

- a) Representantes de entidades deportivas: 60 %
- b) Representantes de deportistas: 20 %
- c) Representantes de adestradores: 8,5 %
- d) Representantes de xuíces: 8,5%
- e) Outros colectivos: Escola 3 %

2. A representación mínima do estamento de clubs na asemblea xeral da Federación





Galega de Ximnasia deberá ser do 50% do censo definitivo de clubs, incluíndo os membros natos.

En calquera caso todos os clubs deberán necesariamente cumplir os requisitos que para eles se establece no artigo 8 desta regulamento.

3. As porcentaxes xerais atribuídas a cada estamento son distribuídas, en toda a comunidade, da seguinte maneira:

Circunscripción Provincial	
Entidades Deportivas	20 (10 membros natos, 10 a elixir)
A Coruña	3
Lugo	2
Ourense	1
Pontevedra	4
Circunscripción unica en Galicia	
Deportistas	7
Adestradores	3
Árbitros	3
Outros/Director/a da Escola	1
Total:	34

4. Cando o número de candidatos de calquera estamento coincida ou sexa inferior ao número de membros que hai que elixir non será necesaria a celebración de eleccións polo que a ese estamento se refire, dando continuidade ao procedemento electoral.

No entanto, no caso de que nalgún estamento da asemblea houbera máis dun 20% de vacantes, unha vez terminado o proceso electoral e no prazo máximo de 3 meses, o presidente procederá á convocatoria parcial de eleccións para cubrir as vacantes, sen que esta nova convocatoria parcial afecte aos xa elixidos.

#### Artigo 11. Membros natos da Asemblea Xeral polo estamento de clubs

Conforme o establecido na Orde do 8 de setembro de 2010, establecécese como baremo para a designación dos membros natos da asemblea xeral o seguinte:


- 1.- Maior nº de licenzas.
- 2.- Por participación en competición oficiais


Conforme o anterior baremo, son membros natos da asemblea os seguintes clubs:

Por maior número de licenzas	Por participación en competicións oficiais
1. Club Ximnasia Coruña	1. Club Ximnasia Pontevedra
2. Club María Barbeito	2. Club Acordes de Narón
3. Club Escola Pavillón	3. Club Maniotas
4. Club Flic Flac	4. Club Treboada Pontevedra
5. Club Ximnasia Pâvillón	5. Club Ximnasia Tempo

#### Artigo 12. Candidatos a membros electos da Asemblea xeral

1. Poderá ser candidato a membro da asemblea xeral toda persoa física ou xurídica incluída no censo definitivo que o solicite persoalmente, por correo certificado ou por calquera outro medio que acredite fehacientemente en dereito a dita solicitude, ante a xunta electoral. Para a solicitude establecécese un prazo de 3 días hábiles a contar dende a publicación do censo definitivo.





2. Unha vez presentadas as candidaturas, a xunta electoral proclamará a lista provisional de candidatos facéndo-a pública na páxina [www.ximnasia.com](http://www.ximnasia.com). Haberá un prazo de 2 días hábiles, para a presentación de posibles reclamacións ante a Xunta electoral.
3. Unha vez resoltas as posibles reclamacións si as houbera, pola Xunta Electoral no prazo de dous días hábiles, procederase á proclamación definitiva de candidatos.
4. Os candidatos proclamados definitivamente poderán dispoñer do respectivo censo de persoas que componen o seu estamento.

## Artigo 13. Sistema de votación a membros da Asemblea a xeral


1. A votación a membros da asemblea realizarase en urnas separadas por estamentos. A votación desenvolverase sen interrupcións durante o horario de 16:00 ata as 21:00 horas. Soamente por causa de forza maior poderán non iniciarse ou interromperse as votacións. En caso de suspensión da votación non se terán en conta os votos emitidos nin se procederá ao seu escrutinio. Neste caso, a xunta electoral fixará unha data para a nova votación.
2. O dereito de votar será acreditado pola inscrición no censo electoral definitivo. Para a súa identificación, o elector deberá presentar documento acreditativo da súa personalidade (DNI, pasaporte, tarxeta de residencia ou permiso de conducir con fotografía do titular). No caso das persoas xurídicas a representación corresponde ao seu presidente ou persoa que conforme estatutos lle corresponda, debéndose acreditar fehacientemente a dita representación mediante certificación da inscrición do Rexistro de Entidades Deportivas na que figure expresamente os representantes legais da entidade.

Se un membro electo da Asemblea perdera a condición pola que foi elixido, causará baixa automaticamente naquela, procedéndose á súa substitución da seguinte forma: Sería substituído polo/a seguinte máis votado/a se o houbese. No caso contrario e se supuxese unha perda do 20% de representación na Asemblea polo seu estamento procederíase a unhas eleccións parciais nas mesmas condicións que as reguladas no presente regulamento.



## Artigo 14. Voto por correo

1. Unicamente se admitirá o voto por correo nas votacións para membros da Asemblea naqueles estamentos integrados por persoas físicas.
2. O exercicio do voto por correo haberá de ser solicitado polo interesado á xunta electoral, dende a data da convocatoria das eleccións ata 2 días hábiles despois da publicación do censo definitivo. Esta solicitude deberá facerse persoalmente, mediante correo certificado, burofax, correo electrónico con acuse de recibo a [info@ximnasia.com](mailto:info@ximnasia.com), ou por calquera outro medio validamente admitido en dereito que deixe constancia da solicitude.
3. Recibida pola xunta electoral a solicitude referida no punto anterior, comprobará a inscrición no censo definitivo do solicitante, realizando no caso de estar inscrito a





anotación correspondente no censo e estendendo un certificado de autorización do voto por correo.

O certificado ao que se refire o parágrafo anterior deberá reflectir o nome do elector, o estamento polo que se solicita o exercicio do voto, así como un espazo en branco que deberá ser asinado polo elector previamente ao envío do voto á Secretaría xeral para o deporte.

A xunta electoral deberá remitir este certificado d entro dos 2 días hábiles seguintes á proclamación definitiva dos candidatos, remitíndolle aos solicitantes por correo certificado urgente e con acuse de recibo á dirección postal sinalada polo interesado na súa solicitude. Igualmente enviaráselle unha papeleta de votación en branco e o sobre de votación oficiais, xunto coa relación definitiva de todas as candidaturas presentadas ordenadas alfabeticamente.

O listado de persoas autorizadas para o exercicio do voto por correo deberase remitir á Secretaría xeral para o deporte, publicándose asemade na páxina web [www.ximnasia.com](http://www.ximnasia.com)

4. O elector introducirá a papeleta de voto no sobre da votación e pecharao. Incluirá este sobre de votación, xunto ao certificado emitido pola xunta electoral no que se autoriza o voto por correo, asinado polo emisor do voto e a copia do DNI, nun sobre de maior tamaño que os anteriores que remitirá á Secretaría Xeral para o Deporte para a súa custodia, por correo certificado urgente, consignándose no anverso e reverso do mesmo os seguintes datos:

Anverso:

Secretaría xeral para o deporte  
Estadio Multiusos de San Lázaro, porta 4  
15781 Santiago de Compostela (A)  
Coruña)

Eleccións á Asemblea Xeral da Federación Galega de Ximnasia

Reverso:

Nome e Aplidos do Remitente  
Estamento de .....  
Modalidade ou especialidade de Ximnasia  
Mesa Electoral de .....




5. A presentación dos votos nas Oficinas de Correos deberá realizarse con 6 días hábiles de antelación á data de celebración das eleccións, mediante envío por correo certificado urgente, e non serán admitidos os sobre s depositados con data posterior. A Secretaría Xeral para o Deporte custodiará os votos emitidos, que serán postos a disposición da mesa electoral o día da votación, xunto cunha relación nominal dos mesmos, a fin de que, con posterioridade ao peche da votación presencial os membros da Mesa electoral poidan abrilos e, tras comprobar a súa regularidade, depositar cada voto na urna correspondente para incorporalo ao escrutinio.

6. Prevalecerá o voto persoal sobre o voto emitido por correo no caso de concorrenza de ambos.

7. Os empates a votos resloveranse tendo en conta a antigüidade no estamento no que concorre como candidato

*[Firma]*  
FEDERACIÓN  
GALEGA  
DE  
XIMNASIA



## Artigo 15. Presentación de candidaturas a presidente

1. No prazo de 2 días dende a proclamación definitiva de membros da Asamblea xeral, poderá presentar candidatura a presidente da federación calquera persoa física, sen que teña que ser membro da Asemblea Xeral, que teña a condición política de galego, maior de idade, en pleno uso dos seus dereitos civís, que non incorrese en ningunha sanción deportiva que o inhabilite e que non estea inhabilitado para o desempeño dun cargo público por sentencia xudicial firme. A persoa que resulte elixida como presidente non poderá desempeñar ningunha outra actividade directiva ou de representación dentro da propia estructura federativa. Non se poderá simultaneiar a presidencia dun club deportivo coa presidencia da federación na que se integre o propio club.

2. Gozan da condición de galegos os cidadáns españois que, de acordo as leis xerais do Estado, teñan a vecindade administrativa en calquera dos municipios de Galicia.

Se algúm membro da comisión xestora presentase a súa candidatura á presidencia, deberá cesar naquela.

O presidente saínte da federación será membro da nova asemblea xeral. Esta condición perderase nos casos de non presentar candidatura á presidencia ou, de téndoa presentado, non resultara elixido.

3. A presentación de candidaturas farase na sede oficial da federación, mediante escrito dirixido á xunta electoral.

4. Finalizado o prazo de presentación de candidaturas, a xunta electoral exporá a listaxe provisional de candidatos a presidente no taboleiro de anuncios da federación así como na súa páxina web [www.ximnasia.com](http://www.ximnasia.com). Pódense presentar impugnacións a esta no prazo de 2 días hábiles. As impugnacións serán resoltas pola xunta electoral no prazo de 1 día hábil.

A xunta electoral publicará no día seguinte hábil, segundo os medios reflectidos no punto anterior, a lista definitiva de candidatos á presidencia.


Os candidatos á Presidencia proclamados definitivamente poderán dispor da relación de todas as persoas e entidades deportivas que conforman a Asemblea.



## Artigo 16. Elección do presidente

1. No día e hora fixados na convocatoria correspondente, constituirase a Asemblea xeral en primeira ou segunda convocatoria tendo como únicos puntos da orde do día a elección a Presidente e a membros da Comisión delegada. O presidente da federación será elixido mediante sufraxio libre, directo, igual e secreto polos membros da asemblea xeral presentes no momento da elección.

2. Na votación á elección de presidente non se admitirá o voto por correo nin a delegación de voto. A representación dos clubs realizarase conforme o establecido no artigo 9 parágrafo quinto, non admitíndose que unha persoa ostente a representación de mais dun club.





3. Comezada a sesión e constituída a mesa electoral, o presidente presentará os candidatos, iniciando, de seguido, o proceso de votación.
4. A Xunta Electoral determinará o modelo de papel ta. Cada membro da Asemblea só poderá votar a un candidato.
5. O proceso de votación está formado por un máximo de tres votacións.
  - a. Na primeira votación son elixibles todos os candidatos da listaxe definitiva. Aqueles que obteñan un mínimo do 10% dos votos dos membros presentes, pasarán á seguinte votación. No suposto en que ningún candidato acade o 10% dos votos, pasarán á seguinte votación aqueles dous candidatos que contem cun maior número de votos. No suposto en que soamente sexa un candidato o que obteña o 10% dos votos, pasará tamén á seguinte votación o seguinte candidato en número de votos. De acadarse por algún candidato a maioría absoluta dos votos, nesa primeira votación, será proclamado Presidente.
  - b. Na segunda votación soamente serán elixibles aqueles que, como xa está exposto e coas excepcións contempladas, obtiveran alomenos o 10% dos votos dos membros presentes. Será elixido presidente o candidato que nesta fase obteña a maioría absoluta dos votos.
  - c. No caso de que na votación anterior ningún candidato obteña a maioría absoluta, procederase a unha nova votación entre os dous máis votados, na mesma Asemblea, resultando elixido o que obteña maioría de votos.
6. Terminada cada unha das votacións realizadas, a mesa electoral procederá ao reconto de votos e levantarase a oportuna acta.
7. No caso de existir soamente dous candidatos, resultará elixido o que obteña a maioría simple dos votos. No caso de empate resultará elixido aquel de maior idade.
8. No caso de que se presentase un só candidato, non se efectuará votación.
9. Se non se presentase ningunha candidatura ou non fose válida ningunha das presentadas, a comisión xestora administrará a federación e convocará e realizará novas eleccións a presidente no prazo máximo de 3 meses.
10. Rematada a elección, a acta do resultado desta será remitida á xunta electoral. Transcorridos os prazos de presentación de posibles recursos e resoltos estes, a xunta electoral proclamará presidente ao candidato máis votado e comunicará os resultados á Secretaría xeral para o deporte no prazo máximo de 10 días.
11. Unha vez proclamado definitivamente o novo presidente, a comisión xestora deberá poñer a disposición deste no prazo máximo de 5 días hábiles, contados desde a proclamación definitiva, toda a documentación relativa á federación, levantando acta da documentación entregada e remítindolle copia desta á Secretaría xeral para o deporte.
12. Tras a súa proclamación o presidente designará os demais órganos e comités de acordo cos estatutos da federación, debendo comunicarlle a súa composición á Secretaría xeral para o deporte no prazo máximo de 10 días hábiles, dende o seu



FEDERACIÓN  
GALEGA  
XIMNASIA

XS  
Julián C.



nomeamento.

## Artigo 17. Elección de membros da comisión delegada

A comisión delegada será elixida entre e pola asemblea xeral mediante sufraxio libre, igual, directo e secreto por e entre os membros de cada estamento. O seu mandado coincidirá co da asemblea xeral. Será presidida polo presidente da federación como membro nato desta.

O número de membros da comisión delegada será 9; 5 representantes de entidades deportivas, 2 deportistas, 1 xuíz/a e 1 adestrador/a. O procedemento para a súa elección será o seguinte :

Prazo de presentación de candidaturas: Segundo Calendario Electoral, aprobado

- 1.- Rematada a elección do presidente e na mesma A. Xeral Extraordinaria procederese a Elección da Comisión Delegada.
- 2.- Primeiro procederese a elección de representantes de Entidades Deportivas, logo o de ximnastas, máis tarde o de técnicos e finalmente o de Xuíces.
- 3.- As papeletas co nome de todos os candidatos/as serán elaboradas pola X.E..
- 4.- Na elección de Entidades Deportivas soamente se poderá votar a un máximo de 3 candidatos por elector/a e no deportistas 1.
- 5.- No caso de non haber máis candidatos que os elixibles non se procederá a votación proclamándose os/as presentados/as.
- 6.- Os empates a votos resolveranse tendo en conta a antigüidade no estamento dos que posúe licenza


## Artigo 18. Recurso ante a Xunta electoral

O coñecemento de tódolos recursos que se poidan formular na materia electoral corresponde á xunta electoral, sendo tódalas súas resolucións recorribles ante o Comité Galego de Xustiza Deportiva. Están lexitimados para interpoñer recursos os representantes das candidaturas ou as persoas e entidades debidamente afectadas polos acordos da xunta electoral.




Os recursos ante a Xunta electoral serán presentados, persoalmente ou por calquera medio que acrede fehacientemente en dereito a presentación do escrito (burofax, correo certificado, telegrama...), na sede central federativa mediante escrito dirixido ao presidente da Xunta electoral.

Os prazos para a presentación destes recursos, así como os de resolución da Xunta electoral serán de 2 días hábiles, salvo nos casos nos que no presente regulamento ou na Orde do 8 de setembro de 2010 se establezan outros distintos.



## Artigo 19. Recurso ante o Comité Galego de Xustiza Deportiva

1. Contra os acordos e resolucións das xuntas electorais procederá recurso electoral ante o Comité Galego de Xustiza Deportiva, poñendo fin, as resolucións deste, á vía



administrativa.


2. Están lexitimados para interpoñer este recurso quen fose parte na impugnación ante a X.E. federativa ou as persoas interesadas directamente polo seu acordo ou resolución.
3. Os prazos para interposición de recurso electora an O Comité Galego de Xustiza Deportiva serán de 3 días hábiles dende o seguinte ao da notificación do resolución ou acordo obxecto de recurso ou, se for o caso, dende o momento que se produza e desestimación tácita da reclamación electoral presentada

4. O escrito de interposición do recurso deberá expresar:

- I. Nome, DNI e domicilio da persoa física ou denominación e endereço social dos entes asociativos interesados, incluíndo neste últimmo caso o nome do seu representante legal.
- II. Se é ocaso, o nome, DNI e endereço do representante do interesado, podendo acreditar a súa representación, ademais de polos medios legais procedentes, a través de comparecencia ante a Secretaría do Comité Galego de Xustiza Deportiva.
- III. Lexitimación para interpoñer o recurso
- IV. acto que se recorre e a razón da súa impugnación.
- V. As consideracións de feito e de dereito nas que baseen as súas pretensións, así como as propostas de proba que ofrecan en relación con aquellas.
- VI. As pretensións que deduzan de tales consideracións.
- VII. Lugar, data e sinatura.

## Art. 20. Publicidade

1. O presente Regulamento publicarase na WEB da Federación Galega de Ximnasia e na da Administración Autonómica




Anexo I. Calendario electoral

Anexo I  
FEDERACIÓN  
GALEGA  
XIMNASIA

# CALENDARIO ELECTORAL FEDERACIÓN GALEGA DE XIMNASIA


	VOTO POR CORREO	DATAS
Convocatoria de Asamblea extraordinaria		15 agosto
1ª Asamblea Extraordinaria		31 agosto
Presentación regulamento electoral		1 setembro
Aprobación regulamento electoral ou devolución para modificación	10 hábiles	
Prazo de subsanación Á SXD aproba DEF	estímu 1 hábil	12 setembro
Comunicación da convocatoria a clubs e SXD	5 hábiles	13 setembro
Convocatoria eleccións	Início prazo petición do exercicio do voto	18 setembro
Publicación regulamento electoral		18 setembro
Publicación Calendario electoral		18 setembro
Publicación Censo PROV		18 setembro
	Fin prazo reclam al Censo	29 setembro
	Fin prazo resol reclam	4 outubro
Publicación Censo DEF	10 hábiles	4 outubro
Inicio prazo presentación candidatos á Asamblea	3 hábiles	6 outubro
	fin prazo petición do exercicio do voto	máx 2 días hab depois de pub Censo def
Fin prazo presentación candidatos á Asamblea		8 outubro




Proclamación PROV de candidatos á Asamblea	inicio prazo reclamación			8 outubro
	fin prazo reclamación	2 hábiles		9 outubro
	Fin prazo resolución das reclam.	2 hábiles		10 outubro
Proclamación DEF de candidatos á Asamblea				13 outubro
		fin prazo remitir papeles vot.	nos 2 hábiles seguintes á proclam def candidatos	15 outubro
possible comunicación de interventores		fin prazo depositar votos en correos	6 hábiles antes votación	20 outubro
	inicio	antes das últimas 24 h		
Constitución Mesa Electoral	fin	sen prazo		
Votación a membros da Asamblea				26 outubro
Escrutinio	Proclamación PROV de resultados a membros da Asamblea			26 outubro
	inicio prazo reclamación			26 outubro
	fin prazo reclamación	estimo 2 háb.		27 outubro
	Fin prazo resolución das reclam.	estimo 2 háb.		28 outubro
Proclam DEF de resultados a membros da Asemblea				30 outubro
Presentación crederenciais representantes clubs	inicio prazo	sen prazo		3 novembro
Inicio Presentación de candidatos a Presidente/Comisión Delegada	fin prazo	sen prazo		3 novembro
Fin Presentación de candidatos a Presidente/Comisión				31 de outubro
		estimo 2 háb.		3 novembro



Delegada				
Proclamación PROV de candidatos a Presidente/ Comisión Delegada	inicio plazo reclamación	3 noviembre		
	fin plazo reclamación	4 noviembre		
	Fin plazo resolución das reclam.	estímuo 1 háb.	5 noviembre	
Proclamación DEF de candidatos a Presidente/ Comisión Delegada			6 noviembre	
Constitución Asemblea Extraordinaria			7 noviembre	
Votación a Presidente/ Comisión Delegada		15 noviembre		
Proclamación PROV de Presidente/ Comisión Delegada	inicio plazo reclamación	15 noviembre		
	fin plazo reclamación	estímuo 1 háb.	17 noviembre	
	Fin plazo resolución das reclam.	estímuo 2 háb.	18 noviembre	
Proclamación DEF de Presidente/ Comisión Delegada			20 noviembre	

  
  
**FEDERACIÓN  
GALLEGA  
GIMNASIA**





**FEDERACIÓN GALEGA DE XIMNASIA**  
**ELECCIONES 2014**

XUNTA  
DE GALICIA  
CONSELLERÍA DE DEPORTE  
GALLEGOS

*Asemblea Xeral*  
**ESTAMENTO: ADESTRADORES/AS**  
Dou o meu voto a:



*Marcar DOIS nomes como máximo.*



**FEDERACIÓN GALEGA DE XIMNASIA**  **XURÉA DE GALICIA**  
**ELECCIONES 2014**  **DEPORTE GALEGO**

XUN  
DE G

**ESTAMENTO: DEPORTISTAS**  
**Dou o meu voto a:**



Marcar SEIS nomes como máximo



*FEDERACIÓN GALEGA DE XIMNASIA  
ELECCIONES 2010*

XUNTA  
DE GALICIA

**ESTAMENTO: XUÍCES/ZAS**  
**Dou o meu voto a:**



*Marcar DOIS nomes como máximo*



**FEDERACIÓN GALEGA DE XIMNASIA**  
**ELECCIONES 2014**

*Asemblea Xeral*

## **ESTAMENTO: ENTIDADES DEPORTIVAS - OURENSE**



Marcar UN nome como máximo



**ESTAMENTO: ENTIDADES  
DEPORTIVAS – A CORUÑA**  
**Dou o meu voto a:**

*Marcar **DOIS** nome como máximo*



**ESTAMENTO: ENTIDADES  
DEPORTIVAS - PONTEVEDRA**

### Marcar un TRES como máximo




## **ESTAMENTO: ENTIDADES DEPORTIVAS – LUGO**

Dou o meu voto a:

*Marcar UN nome como máximo*





FEDERACION GALLEGA DE GIMNASIA

XUNTA  
DE GALICIA

DEPARTAMENTO  
DO DEPORTE

EDICIONES 2014

ESTRUCTURA

Sobre apaisado de 132 X 182 mm

Juan Luis C  
FEDERACION  
GALLEGA  
DE GIMNASIA

